



Pou Piblikasyon Imedya: 14/12/2022

GOUVÈNÈ KATHY HOCHUL

GOUVÈNÈ HOCHUL ANONSE PWOJÈ TRANSFÒMATÈ POU TANNERSVILLE NAN KAD INISYATIV REVITALIZASYON ANBA LAVIL 10 MILYON DOLA A

*Onz Pwojè Revitalizasyon Anba Lavil la ap amelyore sèn kiltirèl ak atistik dinamik,
opòtinite lojman, sèvis kominotè ak posibilité pou mache ak koneksyon lari*

*Envestisman 10 milyon dola DRI a nan 5yèm faz la fè pati yon objektif estratejik
pou anrichi kominote a ak ekonomi nan nò Eta a*

Reprezantasyon Grafik Pwojè yo Disponib [isit la](#)

Jodi a, Gouvènè Kathy Hochul te anonse 11 pwojè transfòmatè nan Vilaj Tannersville nan kad prim Inisyativ Revitalizasyon Anba Lavil (Downtown Revitalization Initiative, DRI) 10 milyon dola a. Prim yo pral pwofite resous istorik, kiltirèl ak natirèl rich kominote a.

"Tannersville, ki genyen ti non Vilaj Pentire nan syèl la pou biling ki gen koulè vif ak anviwònman natirèl primitif li yo, se deja yon destinasyon obligatwa pou moun ki renmen atizay ak lanati vizite", **Gouvènè Hochul te deklare**. "Envestisman estratejik sa a pral non sèlman amelyore cham natirèl vil la epi atire plis vizitè, men tou li pral bay rezidan lokal aktyèl ak fiti yo opsyon lojman ki pi abòdab, opòtinite pou vant an detay ak komèsyal yo, ak mobilité amelyore pou pyeton ak siklis yo".

Tannersville se yon ti kominote ki gen apeprè 550 moun ki sitiye nan Rezèv Forè Catskills (Catskills Forest Preserve) avèk aksè konvenab nan plizyè kilomèt ak nati sovaj primitif nan Pak Catskill, ki fè Vilaj la yon pòtay nan gwo espas anplennè nan Konte Greene. Revitalizasyon Tannersville konsantre sou kreye nouvo lojman abòdab, elají sèvis kominotè yo, ogmante ekipman atistik ak kiltirèl epi amelyore posibilité pou mache ak koneksyon lari yo, pamì lòt. Atravè Inisyativ Revitalizasyon Anba Lavil (Downtown Revitalization Initiative, DRI) la, Vilaj la ap konsakre tèt li ankò pou l tounen yon kominote rekreyasyon ak vakans dinamik pandan kat sezón epi ki toujou abòdab pou rezidan lokal, alontèm ak nouvo yo.

Envestisman yo fè pati efò Gouvènè a k ap kontinye pou revitalise ekonomi rejon nò Eta a epi kreye plis opòtinite pou Rejyon Kapital la. Se Depatman Eta ki dirije DRI ki bay asistans teknik pandan chak kominote k ap patisipe yo ap devlope yon Plan

Envestisman Estratejik ki idantifye pwojè espesifik ak yon vizyon inik pou revitalizasyon zòn anba lavil la.

Pwojè presi yo ki pral finanse atravè DRI gen ladan:

Ogmante Opòtinite Lojman

Devlopman Pwojè Lojman Abòdab nan Spruce Street - Prim DRI: 2,500,000 dola

Devlope apeprè 62 inite rezidansyèl pou lojman mendèv sou sit ansyen Cold Spring Hotel.

Revitalize yon Sit pou Itilizasyon Miks nan 5975 Main Street - Prim DRI: 1,360,000 dola

Konstwi yon biling apeprè 12,000 pye kare pou ranplase ansyen biling Spinning Room, ki te vid akòz pwoblèm estriktirèl. Nouvo devlopman an pral gen ladan lojman pou mendèv ak yon espas pou vant an detay ak restoran nan premye etaj la.

Modènize Country K Grocery ak Renove Apatman nan Etaj Anlè - Prim DRI 249,000 dola

Renovasyon Country K grocery/pizzeria epi pèmèt ajoute yon seksyon chakitri pou okipe tout premye etaj la. Renove apatman lojman pou mendèv nan etaj anlè, kreye inite adisyonèl.

Amelyore Sèn Kiltirèl ak Atistik Vilaj la

Elaji ak Modènize Sant Atistik Espektak Orpheum nan - Prim DRI: 1,750,000 dola

Modènize ak konstwi novo estidyo dans ak amelyore peyizaj lari/aksesiblite pou elaji sezon anyèl atizay espektak ak pwogram edikasyon.

Kreye Teren Evènman Festival Vilaj ki Pentire - Prim DRI: 500,000 dola

Modènize Colonial Golf Park pou prepare sit la pou yon festival, konsè, ak teren evènman pou akonpli yon vizyon plizyè faz ki t ap re-entwodui festival nan rejyon somè a.

Egzekite Mizajou nan Mountain Top Library - Prim DRI: 265,000 dola

Amelyore bibliyotèk la pou elaji kapasite pwogramasyon: enstale yon paviyon deyò, kreye yon galri atis tanporè, ranplase pòt ekstèryè ak enstale yon novo jeneratè enèji.

Kreye yon Sant Charyo Kaaterskill ak Kafe - Prim DRI: 240,000 dola

Kreye yon sant charyo nan 15 Railroad Avenue Bilding sant charyo a pral gen ladan yon kote pou chita/atant andedan, gichè, ak twalèt, ansam ak yon ti kafe.

Amelyore Fromer Market la atravè Ogmantasyon Pakin ak Agrandisman Estann Fèm - Prim DRI 366,000 dola

Elaji estann/magazen fèm Fromer Market Gardens, ki gen ladan kreyasyon yon espas rasanjebleman deyò, amelyore ekipman, ak agrandisman zòn pakin nan.

Amelyore Posibilité pou Mache ak Koneksyon Lari

Amelyore Koneksyon Vilaj ak Pwen Depa Santye/Pakin - Prim DRI: 1,373,000 dola
Reyalize yon pwojè koneksyon plizyè eleman pou amelyore kapasite pou mache ak sekirite pyeton yo atravè kreyasyon twotwa ak pasaj yo, ansanm ak kreyasyon zòn pakin ki pral sèvi kòm pwen depa santye/espasiblik.

Pwojè Divès

Kreye yon Fon Amelyorasyon Anba Lavil - Prim DRI 600,000 dola

Kreye yon fon pou sipòte ti biznis ak mèt pwopriyete yo. Lajan yo ka itilize pou renovasyon enteryè/eksteryè, machin/ekipman, ak frè ki asosye ak siyalizasyon, avèk kritè espesifik Vilaj la devlope.

Reyalize yon Sistèm Solè Minisipal - Prim DRI: 497,000 dola

Enstale panno solè nan kat kote: Village Hall, paviyon zòn lak, Gooseberry Creek Park, ak nouvo zòn pakin nan tèt santye. Sistèm solè sa a pral kouvri tout itilizasyon enèji minisipal la.

Sekretè Deta nan New York, Robert J. Rodriguez, te deklare, "Tannersville se yon destinasyon pandan tout ane a pou moun ki renmen deyò ak moun ki renmen atizay, ak pwojè tankou nouvo lojman abòdab, reyalize yon sistèm solè minisipal, ak amelyore Sant Atizay Espektak Orpheum (Orpheum Performing Arts Center) pral pèmèt vilaj la bati sou repitasyon yo kòm yon sant atizay kiltirèl ak kreye yon kominate ki pral fleri pou plizyè deseni k ap vini yo. Felisitasyon pou tout kominate Tannersville la".

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Bote natirèl Tannersville mete aksan sou anpil pwojè DRI enteresan ki pral kreye lojman, biznis ak opòtinite lwazi pou rezidan yo ak atraksyon pou vizitè yo. Tannersville pare pou l vin yon destinasyon kat sezón ak yon vilaj ki pi dinamik epi ki pi atiran pou viv, travay ak jwe".

RuthAnne Visnauskas, ki se Komisè Renouvelman Kay ak Kominote (Homes and Community Renewal, HCR) nan Eta New York, te deklare, "11 prim Inisyativ Revitalizasyon Anba Lavil la pou Vilaj Pentire Tannersville pral gen yon enpak tanjib sou lavi tout moun k ap viv nan anba lavil la epi yo pral atire plis touris toujou lè yo amelyore byen natirèl ak cham vilaj la. Atravè envestisman estratejik ki adapte pou satisfè bezwen lokal yo, Gouvènè Hochul ap travay pou devlope ti vil ak vil eta nou yo avèk nouvo opòtinite ekonomik, amelyorasyon nan lari yo, ak aksè amelyore nan resous tankou lojman abòdab".

Senatè Eta Michelle Hinchey te deklare, "Tannersville se yon pòtay pou Catskills, epi envestisman DRI sa a pral ede Vilaj la bati repitasyon li kòm yon destinasyon touris klas mondal pandan l ap ogmante kalite lavi fanmi lokal yo atravè opòtinite lojman abòdab elaji, aksè a manje lokal fre, ak yon ekonomi riral revitalize ki santre sou ti biznis ki gen

alimante li. Se a sa ke vrè devlopman ekonomik sanble. Mwen remèsye Gouvènè Hochul paske li rekonèt opòtinite kwasans enkwayab nou genyen nan Konte Greene ak pou angajman li pou sipòte ti kominate riral yo tankou Tannersville".

Manm Asanble Chris Tague, te deklare, "Se bèl bagay pou tandé ke ti vil nou an Vilaj tannersville nan Rezèv Forè Catskill (Catskill Forest Preserve) ap resevwa yon envestisman konsa. Se yon bagay istorik paske li t ap difisil pou yon ti vil riral ranmase anpil lajan sa a pou pwojè envestisman, kidonk mwen kontan wè lidè eta yo mobilize pou ede gwo kominate riral nou yo. Pwojè sa a pral kreye anpil djòb epi ankouraje plis divèsite ekonomik isit la nan Konte Greene".

Majistra Tannersville la, Doktè Lee McGunnigle, te deklare, "Nan non Vilaj Tannersville, mwen trè rekonesan pou tout travay di ak devouman Gouvènè Hochul ak ekip li a. Mwen ta renmen remèsye manm LPC yo ak kominate a pou tout kontribisyon yo nan plan transfòmatè sa a. Envestisman piblik ak prive sa yo pral abòde kriz lojman pou granmoun aje ak mendèv pandan y ap kreye yon ekonomi ki pi solid ak yon kominate ki sen pou mache ak yon anviwònman ki pi pwòp avèk enèji renouvlab. Pwojè sa yo pral gen yon enpak pozitif pou jenerasyon yo".

Inisyativ Revitalizasyon Anba Lavil

DRI Eta New York, yon poto mitan pwogram devlopman ekonomik, transfòme katye anba lavil yo pou tounen sant aktivite dinamik ki ofri yon kalite lavi elve ak atire reyamenajman, biznis, kreyasyon travay ak divèsite ekonomik ak lojman. DRI, ke Depatman Eta a avèk asistans Empire State Development, Biwo Renouvelman Kay ak Kominote ak NYSERDA dirije, reprezante yon estrateji san parèy ak inovatè "planifye-ansewit-aji" ki mete ansanm planifikasyon estratejik avèk egzekisyon imedyat ak mennen nan anba lavil konpak, adapte pou mache ki se engredyan kle nan ede Eta New York rebati ekonomi li apre enpak pandemi COVID-19 la, epitou nan reyalize objektif odasye Eta a nan zafè klima gras a pwomosyon itilizasyon transpò piblik ak rediksyon depandans sou machin prive. Plis enfòmasyon sou DRI a disponib [isit la](#).

###